

Vandredi 19 mas 2021

Chè fanmi,

Se te premye semèn mwen kòm nouvo Chanselye w, epi mwen pa ka di w kijan mwen kontan pou m pran wòl sa a. Se pa sèlman paske mwen fèt ak elve nan Vil Nouyòk, men tou paske edikasyon nan san mwen. Ni manman m ni matant mwen te pwofesè epi mwen te vin yon pwofesè anglè lekòl leta Vil Nouyòk akoz yomenm, ak bonjan edikatè mwen te genyen lè mwenmenm te elèv ap grandi nan Queens.

Depi mwen te kòmanse nan DOE sa gen 21 ane, mwen te travay tou kòm yon asistan direktris lekòl, epi apre kòm direktris lekòl. Tou dènyèman, mwen te sèvi kominote lekòl nou yo kòm yon sipèntandan ak sipèntandan egzekitif nan Bronx.

Epi, kounye a se onè mwen ak privilèj mwen pou m dirije lekòl nou yo nan tout vil la. Mwen te pase anpil tan nan semèn sa a ap rankontre elèv ak edikatè briyan nou yo nan chak borough ann aksyon, anpèsòn ak adistans. Mwen te wè elèv pre-k aprann sou sik dlo, patisipe avèk elèv sizyèm ane k ap aprann pwopòsyon lè yo melanje jis pwopòsyon egzat koloran manje nan glas gato, ak patisipe avèk elèv setyèm ane nan pataje objè espesyal ki revele yon bagay sou ki moun nou ye. Malgre tout chanjman ak defi nou te fè fas avèk yo ane ki sot pase a, kominote lekòl nou yo toujou rete espas kè kontan, plen avèk aprantisaj.

Pandan m ap reflechi sou vizit yo semèn sa, sa fè kè m kontan tou lè m gade bèl divèsite nan salklas nou yo, kominote yo, ak Vil nou an kòm yon inite. Nan lekòl nou yo, "respè pou tout moun" se pa sèlman yon eslogan, men se yon fason pou viv. Nou apresye chak elèv, estaf, ak fanmi pou kiyès yo ye. Nou asire tout moun santi yo byenveni. Sa a se nannan preyokipasyon nou.

Men, krim anti-azyatik terib n ap wè nan tout vil la, ak semèn sa a nan Atlanta fè li klè ke nou dwe travay pi rès pou mete yon fen nan rasis sistèmik. Jistis ak enklizyon te toujou yon poto nan karyè mwen kòm yon edikatè.

Antanke Chanselye, mwen pwomèt pou mwen kontinye avanse ekite epi demonte nenpòt prejije nan sistèm lekòl nou an. Epi, mwen vle fè li klè: pa gen plas pou rasis ni okenn diskriminasyon nan Depatman edikasyon, ni nan nenpòt nan lekòl nou yo. Semèn sa a menm, nou bay edikatè nou yo resous ki ajou pou konbat krim rayisman nan lekòl nou yo epi bay elèv nou yo sipò sosyal ak emosyonèl. Ou ka jwenn resous pou pale sou rasis ak krim rayisman avèk timoun ou yo nan schools.nyc.gov/togetherforjustice.

Kreye anviwònman ki ankouraje tout elèv fonksyone kòm moun yo ye pral nan tèt mwen 22 mas, lè tout lekòl leta nou yo ap kòmanse akeyi elèv ankò pou aprantisaj anpèsòn ak aprantisaj miks. Menm jan avèk lekòl primè ak lekòl presegondè, ansanm avèk pwogram Distri 75 nou yo, lekòl segondè yo ap suiv pratik solid nou etabli pou ede kenbe kominote lekòl yo an sante ak an sekirite. Sa gen ladan teste elèv ak estaf chak semèn oaza pou COVID-19, respekte distans fizik, mask, ak netwayaj afon chak swa. Antretan, mwen kontan anpil pou etap enpòtan sa a nan rekipasyon vil la. Epi, mwen fyè pou dirije yon sistèm lekòl ki te etabli estanda pou nasyon an nan efò pou reouvri lekòl.

Sa a se yon tan ki tèlman plen avèk espwa ak istwa pou lekòl nou yo ak vil nou an, epi mwen vle di ou mèsi pou tout sa ou te fè pou sipòte elèv ak lekòl nou yo. Nan semèn kap vini yo, pral gen opòtinite pou nou rankontre ak pale. Mwen pwomèt pou m tandè vwa w ak konsidere opinyon w pandan n ap fini ane lekòl sa a ak planifye pou pwochen ane a.

Ann ale. Ann fè sa. Nou pare.

Avèk senserite,



Meisha Porter
Chanselye Lekòl Vil Nouyòk